

兩浙名賢錄

兩浙名賢錄卷四十七目次

文苑

明

漫吟先生金仲孚信

子聲附

布衣使陳博文約

弟綱釋附

吳文可景奎

夏義甫

劉佐張羽周俾沈貫附

唐處敬肅

子之淳蔡庸毛鉉附

鶴岩先生楊仲彰

子欽敬附

草澤開民劉坦之履

監察御史黃叔賜

守黑子夏中甫時

弟中孚中擘附

教讀平仲徵

好宜附

永新令烏繼善斯道

子熙附

國子助教趙本初

鄭教授本中

子復言
雍言附

長史鑿宗吉倫

清節先生王用賓賓

白衣巡撫汪陽復一初

按察僉事時季照銘

滄江散人徐方舟坊

教授凌彥耕雲翰

黃思銘

馬浩淵洪

王修德

郭士
淵附

王百源淮

湯胤繼
張楷附

視蕪州宗善

給事中許廷慎伯旅

檢討周維翰翰

吳琬

葉維新銘璠

斗南先生胡虛白奎

沐陽尉周伯器鼎

大理少卿楊復

蕪秉衡平

弟正附

司經正字顧存誠

岑瑩附

禮部主事王希範洪

大理寺卿夏季爵時正

劉士亨泰

進士張廷珮琦

禮部尚書倪克讓謙

監察御史姚公綬綬

劉邦彥英

趙廷玉霍孟賜俞鳴玉附

兵部主事羅邦彥信佳

子緒附

石城訓導魏達卿儻

釋冠道人徐延之伯齡

司理戴孟常經

弟繪附

稼翁洪唯卿貫

父性附

司訓沈明德宣

郡司馬周天雨澤

劉季俊杰

翰林院修撰錢與謙

文學童子王淞

莫仲瑛璿

吳文英驥

參議吳維新鼎

太常卿吳仁甫惠

陳用明鑑

文學郎仁寶璣

桂林守華仁卿愛

朱元素朴

沈用之賓國

提學剛使陸舉之欽

施進士侃

孝廉沈士明燿

弟煇子
士立附

翰林編修王懋賢楫

尚寶卿戚希仲元佐

諭德姚維東沐

大理寺卿沈速伯玄華

文介先生支心易大給

工部侍郎蔡子木汝楠

同知范孔嘉言

彭軫附

沈懋學仕

孝廉王茂成養端

陳山人霍

項子瞻元淇

弟元沛附

田督學汝成

按察僉事楊汝承祐

江西布政徐子與中行

徐文長渭

翰林院修撰沈懋孝

方太守九敏

袁州再理徐茂吳桂

太學茅樞延翁積

恭議吳明卿國倫

贈工部郎中沈澄夫謙

子

光祿署正卓徵甫明鼎 東臯子殷方叔仲春
吳少君孺子

兩浙名賢錄卷四十七目次終

兩浙名賢錄卷之四十七

東海徐象梅仲和氏誤

富湖呂濟巨源氏闕

文苑

明 共百十二人

漫吟先生金仲孚信 子聲附

金信字仲孚，金華人，穎悟攻詩。從楊維禎游，往來吳越間，每至山水佳絕處，輒吟嘯終日。詩飄爲浦部使者以茂才舉，不應。歸隱金華之優游洞，以詩自娛。學者稱爲

漫吟先生有春草軒集傳於世。子濛字伯鑄亦能詩。與袁仲仁陳大有輩皆以風流儒雅能詩聞於時。號十才子云。

山西布政使陳博文約

弟綱釋緝附

陳約字博文嘉興人貫綜百氏以能詩名弟三人綱字簡文釋字思文緝字熙文以家學切磨善言名理間爲詩歌友于唱和如埴篔簹然而綱尤有聲元季之亂放情湖海與楊蔗夫顧仲瑛輩以詩麀唱有竹林集約應聘官大理卿終山西布政使

吳文可景奎

吳景奎字文可，金華人，酷好爲詩，常游山澤間，方苦吟而雨至，雨濡其衣，弗知也。其所著集曰《葯房樵唱》。宋濂爲之序曰：公以雄逸之資，濟通明之識，著於篇翰，規倣風雅，鼓動江山之氣，發揮造化之微，味玄酒於周庭，襲懸琴於梁苑，雕龍綵鳳，不足爲之麗；衝颺激浪，不足爲之豪。其悽惋也，則孤猿夜號，松露初滴；其雅馴也，則冠冕佩玉，儼趨廟廊。由其才無不兼，故體無不備。讀之者，如入玄圃而觀明月，木難之珍，如登崑丘而觀天禾，隄

芝之貴誠可謂擅名作者之林。競爽稊文之場者矣。其
爲名家所稱許如此。

夏義甫

劉佐張羽周倬沈貫附

夏義甫，鄆南人。少以孝行稱。博學好古。值勝國兵亂。築
室天目杜門。隱居者四十年。與劉佐張羽周倬沈貫諸
君子相爲師友。每有得輒爲吟嘯。又善繪畫。作天目山
房圖。筆墨簡澹。力追作者。至今寶之。

唐處敬肅

子之淳蔡庸毛鉉附

唐肅字處敬。山陰人。洪武初。召至京師。纂修禮學。尋擢

應奉翰林文字，眷注隆重，已而罷歸。卒，肅博學工文，辨與姑蘓高季迥。楊孟載並稱於時，所著有丹崖集。子之淳，字愚士，潛心著述。同時蔡庸、毛鉉、銅績俱有詩名，而之淳爲稱首。以方孝儒薦，官翰林侍講。嘗集古今治亂爲書，將獻之，不果而卒。所著有毅齋萍居二集及文斷十卷。

鶴岩先生楊仲彰甫

子獻敬附

楊希字仲彰，東陽人，性穎悟，刻志於學。早從陳樵游，後登黃滔之門。文辭典雅，操筆立就。二公皆愛推焉。洪武

初聘爲義烏學官。膺薦上京。辭歸杜門。益以著述爲業。所著詩文有百一稿。無逸齋稿。又輯元詩爲正聲類。總若干卷。學者稱鶴岩先生。子璫璫俱能詩。璫嘗補金華賢達傳。爲士林所稱。

草澤閒民劉坦之履

劉履字坦之。上虞人。少貧力學。有詩名。至正末。避亂水。平山。自號草澤閒民。洪武初。被召至京。卒於會同館。嘗做朱子傳註。補註選詩。爲風雅翼。十四卷。行於世。

監察御史黃叔暘祖

黃昶字叔暘，義烏文獻公潛之曾孫也。受業宋景濂之門，能古文辭。以春秋領鄉薦，肄業成均。時纂修大明日曆，詔選天下俊彥有文者二人，考義繕書，昶居一焉。親見上西苑，慰問良久，且曰：爾何人之裔？宋濂對曰：文獻公潛昶曾祖也。上悅，遣侍臣出上方綺裘革履以賜之。學士承旨詹同偕宋濂侍。上燕同被酒而還，愛昶有逸才賦詩贈之，聞於上。上卽和，同詩命宋濂書之，以賜昶。朝士以爲榮。未幾，任王府伴讀，三年歸省。宋濂賦詩十四章送之，起拜監察御史卒。

守黑子夏中甫時

弟中孚中鞞附

夏時字中甫上虞人博學善屬文已而失明自號守黑子與二弟中孚中鞞唱和爲文一篇成輒命筆之次而成編曰守黑稿

教讀平仲微顯

子宜附

平顯字仲微仁和人博學多聞風流蘊藉詩文皆有典則書法深穩可尚黔國沐公重其才辟爲教讀卒所著有松雨齋集子宜亦能詩仕終蒙化府通判

錫孟熙績

子師邵附

續字孟然山陰人少負才氣無所不學善屬文尤工於詩詞樂府與同郡蔡肅毛鉉唐之淳相友善並有文名時稱唐錦毛蔡續所著有詩律霏雪嵩陽集斧雲集各數十卷子師邵亦善屬文所著有盧胡紀遊諸稿

永新令烏繼善斯道

子烈附

烏斯道字繼善慈溪人文尚體要尤長於詩典寄高遠而清灑出塵一掃元人過巧之弊宋景濂嘗評之云斯道之作噴潔如明月珠洶湧如春江濤其實鑒於名流有如此尤精書法小楷行草各臻其妙遠近求之曩

潘州國初用薦起爲承新令有德政以疾去官民感
不可得爲立祠祀之所著有秋吟稿春草齋集子熙
輯之亦以詩文禮名

國子助教趙本初

趙做字本初山陰人宋宗室也八歲能詩文指物輒賦
稍長博涉經史爲文雅潔賦尤麗美都使者河中
約按部至越聞做名延見之從容問諸史做矢口而
上下五年若且行筆墨於黃款山川形勢如其身
履者約歎曰若年讀史不如聽趙生半日談尋登進士

時方右武儒者絀不用遂隱居明興徵拜國子助教是時典成均者皆極殊選而傲與植伯衡爲冠并云

鄭教授本忠

子復言雍言附

鄭本忠字本忠少篤學攻伏氏書鄞人元季方氏據浙東三郡擅爵祿人本忠義不食其粟杜門不仕益務記覽涵濡停膏爲文必中矩度國初舉明經不起未幾以薦授昌國訓導遷秦府教授卒於官所著有安分集子二復言雍言復言舉永樂丙戌進士選翰林庶吉士讀中秘書預修永樂大典應制賦白鹿詩稱旨授禮部注

事陞員外郎以太僕少卿致仕。雍言舉乙未進士亦改庶吉士授中書舍人。仁宗監國屢命賦詩頃刻立就。尋命署禮部尚寶司及六科事。陞河南按察僉事。宣宗御極雅重其名留直文華殿日備顧問特賜給事牙牌以便出入。陞太常少卿兄弟友恭無媿家學人稱一難云。

長史瞿宗吉佑

瞿佑字宗吉錢塘人學博才曠風致俊朗年十四鄉人張彥復命賦雜詩美甚遂知名楊庶夫稱之爲千里駒。

洪武中，以薦授仁壽訓導，轉歸安教諭。陞周府右長史，師道振舉，輔弼有法。永樂間，以詩禍，編管保安。久之釋歸，復原職。內閣辦事，年八十七卒。所著有春秋貫珠詩經正葩圖史管見鼓吹續音存齋詩集，行於世。

清節先生王用賓賓

王賓，字用賓，鄞人。少卓犖，不羣。甫長，博學強記，貫穿經史百家，避地村疇，澹然自適。號水村隱者。洪武六年，舉茂才，以母老不起。既終養，復以文學薦，授休寧教諭。身率諸生，屹屹忘寢食，士不憊而勗，秩滿考績，廷試鍾山。

雨霽詩及參鶴賦。上奇之。命供奉翰林。以老病。教授
潯陽。卒。門人私謚曰清節先生。所著有書隱西上南遊
等集。

白衣巡撫汪陽復一初

汪一初字陽復。淳安人。少嗜學。以詩文鳴。洪武庚子。守
將薦之朝。上方觀書。命作詩立賦一絕。以進。有花影
上階春滿地。讀書餘暇問蒼生之句。卽命以白衣侍講。
踰月。授儒學提舉。明年。以親老乞歸。養。庚申。復召見。對
策。第一。擢太常寺卿。辭不就。遂命白衣巡撫山西。卒於

穎州 上聞嗟悼賜祭以柩歸葬焉

按察僉事時季照銘

時銘字季照以字行慈谿人少機敏好學能詩及冠漁獵經史未嘗釋手爲文奇正間出變化不窮希古作者洪武二十九年鄞學請職訓導已而赴京和御製思得人詩 上獎諭凡兩召對特授監察御史鞠讞平恕未嘗輕附爰書以疾還里未幾復用薦爲崇仁令三考稱職陞四川按察司僉事風裁益振嘗夢一蒼顏編衣人手持以墨自是文思益進因號所著詩文爲夢墨稿

滄江散人徐方舟勛

徐勛字方舟，桐廬人。博學能文，尤工於詩。少與青田劉基游。洪武初，基被徵，過桐廬，邀之同行。勛荷篋笠以見，示無仕進意。因共縱酒歌詩，而別築室江臯，日吟哦於雲烟出沒間。儵然若與世隔，因自號曰滄江散人。天大雪，獨泛舟釣江中，戀戀終日，不忍捨去。見者疑其非世間人。及卒，宋景濂銘其墓，稱其詩曰：圓熟璀璨如明珠走盤，而玉色交映，非虛美也。所著有滄江集。

教授凌彥紳雲翰

凌雲翰字彥翀，仁和人。博通經史，工於詞章。領至正十九年鄉薦，除平江路學正，不赴。閉門讀書，以文翰自適。嘗作梅詞霜天曉角一百首，柳詞柳橋稍青一百首，號梅柳爭春韻調雙美。洪武初，舉杭州府學訓導，陞成都府學教授。卒，所著有柘軒集。

黃思銘

黃思銘，象山人。身不勝衣，而倜儻好讀書，問學克裕。詩章清麗，纖美無山林枯槁之態。得唐人標格，性復恬退，不嗜榮祿。洪武初，累膺人材明經之聘，卒不赴。所著有

東谷詩集方正學深許之。

馬浩瀾洪

馬洪字浩瀾錢塘人以辭賦擅名東南清修苦節開門授徒以給養親之費皓首韋布而含珠吐玉聲價益重所交皆一時名士每過從出游衣冠雜隸車從都雅洪獨葛巾草屨高步其間人望之昂然若野雀之在雞羣也詩有大曆以還風致其詞調尤極妍麗每一篇出人爭持稿以去不甚惜故亦不甚傳

王修德

郭士淵附

王修德寧海人與郭士淵皆以文名初太史宋景濂見方遜志之文歎曰真奇才也遂留左右不忍舍去既見修德士淵之文喟然曰吾道自矣林公輔嘗因景濂之言而評之以爲遜志之文如春氣方至津液之色克滿廣宇飛潛動植各有生態士淵之文如蒼鶴摩空飛縱東西初無定適而俊逸之氣自爲人所畏修德之文如月落澄江上下一色淨絕垢氛而清明之氣可掬當時以爲善評

王百源淮

湯胤績表楷附

王淮字百源，慈谿人。長身美髯，儀觀秀整。博極羣書，考索詳密。湯錦衣亂績，亦以博覽善辯名。嘗遇於湖之慈感寺，對語移日不相下。及語青陵臺事，淮曰：青陵臺有三，而亂績祇得其二。淮歷歷口誦，無所遺。亂績歎服。他日謂知府岳璠曰：百源行秘書也。淮平生好作長歌，下筆輒數十韻，造語奇麗，擅名江湖間。同邑張楷嘗以詩贈之，有長驅文陣衝韓壁，高立詩標上李壇之句。年八十而卒。所著有大愧稿，藏於家。

祝蕪州宗善

祝宗善江山人博學能詩洪武間舉文學爲邑庠教諭秩滿之京館雞鳴僧舍一日客有微服倚闌吟者韻未竟宗善長揖續之客駭問其名而去翌日傳手詔召見擢知蕪州府始知微服倚闌者太祖也宗善守塵介以詩文擅名後坐誣籍其家唯圖籍數卷而已卒復其官

給事中許廷慎伯旅

許伯旅字廷慎黃岩人洪武初爲刑科給事中以詩名時稱爲許小杜林公輔嘗觀其感興諸詩問其得何法

而然廷慎曰法可言也法之意不可言也上士用法得法之意中士守法得法之似吾詩幾用法矣識者以爲不妄

檢討周維翰翰

周翰字維翰鄞人永樂三年中浙江鄉試明年會車駕臨太學獻賦稱旨詔禮部所選副榜士就廷覆試擢翰第一命進學翰林預修永樂大典七年除翰林典籍秩滿陞檢討預修兩朝實錄簡牘浩繁翰殫心窮力書垂成而病病既劇猶問史成何如言不及他事而卒翰爲

支根松班馬出入韓探歐蘊下筆頃刻千百言當時稱
文中之豪有集若干卷藏於家

吳琬

吳琬長興人勵志讀書不屑舉業築室董塢山與安仁
劉麟金陵龍覓關西孫一元歸安陸崑結社湖南稱吳
興五隱郡守劉天和每有請質必造其廬琬精邵子皇
極數博極羣書所著有玉才廣志三百卷史類六百卷
藏於家

葉維新銘璩

葉銘璠字維新，慈谿人。永樂甲申進士，少以文名。詩得盛唐風格，每爲舉主解學士繯，所稱賞。時韓王有梁園之賢，一見悅之，遂請爲伴讀。王改國於涼，懇歸得允。與祭酒陳敬宗齊名。鄭瑒來守郡，遠慮求見，時銘璠杜門已久，謝不出。瑒曰：「來求作府堂記耳，何拒之深也？」乃出見，惟如平生。廷至郡，齋拔筆爲記，鄭歎服，立碑堂，隲其居家動遵禮度，不威自肅。士大夫語家法之善者，以爲稱首。所著有詩集二卷，若家集三卷。

斗南先生胡虛白奎

胡奎字虛白，海州人，博貫經史，尤長於詩，以學國聲。府教授嘗過望湖亭，和東坡詩書於壁間，有老人觀之，曰：「六百年來無此詩矣，君非斗南先生乎？」言訖忽不見，故人稱爲斗南先生。

沐陽尉周伯器詩

周鼎字伯器，嘉善人，少警敏，書一覽輒成誦，既長以文學知名。時有尚書金公帥兵南征，聞寇，遣嘉興陽以查衣謁見，金與語，大奇之，辟置幕府，預參籌畫，號令文符皆主之。未幾寇平，當以功上，會金與他使者不情，抑換

沐陽縣尉。適淮民飢。奏請賑濟。後忤富道憲。逐罷歸。學
爲文。嚴整峭厲。援筆立就。尤工於詩。浙西文士。皆推
推。絕句。爲江南獨步。一時學者。多宗之。所著有土
集十卷。行於世。

大理少卿楊復

楊復。長興人。刻苦問學。善古文。筆力還古。雅不修恭。續
玄言。空部。無不研解。嘗日抄唐韻。數通。得字義之精。永
樂初。浙江鄉試第一。四年丙戌。成進士。拜監察御史。累
遷大理少卿。決獄無冤人。以比之干公。所著有土

五十卷

蘊秉衡平 弟正附

平字秉衡，海昌人。性穎悟，意氣踈傲。幼時有詠繡鞋詩，膾炙人口。時稱繡繡鞋。永樂間，以賢良方正薦，不就。放情山水間，所著有雪溪詩集。弟正字秉直，工詩文，篤志學問，與兄遨遊名士間，時稱吳下十才子。而平正兄，兼與焉。張楷式之，寄詩有云：浙詩門徑未荒蕪，獨賴茶餘有二蘊。其推如此。所著有雲壑集。其門人張寧爲作碑記。

司經正字顧存誠愨 卷之四

顧愨字存誠，司諫道之子也。少聰警於書，無所不讀。州
文自雄，空視四海。仁宗皇帝俯念司諫舊德，詢其後
尚書寒義，以愨對。詔起之，挾裝北上。路出藩省，進謁愨。
野服拜堂下，省臣不與均禮。愨起立，不拜，抗聲曰：「朝廷
起子非庶人，役於官者，公等不爲禮。愨何敢僣，僕自禮。」
省臣訝其言，意其中未必有也。指所坐廳事曰：「堂名寒
微，能記之否？」起具楮墨，令面爲之。愨從容就席，展紙，書
毫頃刻立就。文不更草，書體數家俱備。衆皆歎曰：「奇才。」

世以上客禮之。陛見，擢司經正字。聲譽自起，然性素樸，直不能隨時俯仰。欲因事引退，幼喪母，鞠於祖母。弟植，中和氏。值中和沒，陳情乞歸，爲之哀忌者幼，以非禮諫。戊南丹，在戍發爲詩，章幽憂，覃思有柳柳州之情。卒年二十九，有克然子。集舜江岑塋，重其交義，不遠萬里，函其遺骨置諸枕中歸葬焉。

禮部主事王希範洪

王洪字希範，錢塘人。自幼岐嶷，英異，越人以童子獻。程庠大爲同業生所畏，議嘗從長者游，輒口占詩曰：「既足。」

拾紫芝拂衣坐芳草。嗔彼塵埃人。蠅營爲誰老。時梳蓬
博胡粹中一聞器異之。授以春秋日記數萬言。操觚
就十七領鄉薦。明年成進士。授行人。膺薦擢史科給事
中。尋轉翰林檢討。修大典。爲副總裁。尋陞修撰。兼侍講
時。上以文學擢。延天下之士。而四方貢獻日尋不絕。
如麒麟白澤玄扈騶虞芝草醴泉頌歌賦辭之作。幸以
命洪文學之臣。方病苦於考索。問奇者趾相錯。而洪
答如注。一時諸老前輩咸稱遷折節下之方。洪之爲
總裁也。秉筆者位在洪上。無事任決取舍。衆莫敢道。

洪特正不阿至欲載其家乘瑞應之徵洪力言於川
以爲不可取信於天下後世緣是見忌居二年遷禮部
主事會大宗相奉勅巡行關陝凡部事悉命洪敷奏論
事詳明 仕必奇之方屬意重用而竟以末疾不起卒
僅四十有正 土痛惜之故其疾也得賜藥物其卒
復得賜棺且給舟歸其喪皆異數也洪雖負高才乎然
時志甚卑而獨抗立朝之節凡朝廷大制作大建議未
嘗輕徇時好一時視爲重輕使天假以年則其施設未
作必滿汰過人者肩才志而不大盡用焉命也奈何所

清有毅齋詩文集八卷行於世

大理寺卿夏季爵時正

夏時正字季爵。蕙谿人。操履端潔。不尚依違。博學強記。通經史百家文。息紆。善詩。通盛唐書迹。亦道勁有法。登正統進士第。授刑部主事。歷官至大理寺卿。恭儉不飾。簡知當寧。時遣十二使行天下。考察官吏臧否。皆選廷臣位高望重者。時正分隸江西。一時臺史素畏威名。皆望風解去。而狡黠懷怨者。騰飛語聞於上。嘗所黜者。公時正遂自劾請老。其父與誠。嘗居杭之仁和。有田在

橫水間，時正就居之，杜門讀書，足跡不入城市，嘗巢巖閣於孤山，時往憇焉，凭闕送目，屏絕世慮，泊如也。晚歲文益工，人得之若拱壁，潘臬諸公欲見，不得，每就咨焉。平生大節高行，如龍驤鳳舉，爲人所追仰，所著有餘留稿、太常志、三禮儀略，舉要各十卷，杭州府志六十三卷，禹貢詳節一卷，葉文莊獨雅愛其爲文，以爲如春蠶簇繭，蘭秋鶴引吭，云。

劉士亨泰

劉泰，字士亨，錢塘人，負奇志，特立不羣，景泰天順間，隱

居武林山中好學篤行肆其餘於詩精麗奇偉屬詩時絕唱每一篇出則競相傳誦南北之士來客江左者歸必得奉一詩以取重鄉里否則雖金珠滿囊不足誇詡也風雪中蕭然環堵人不能堪秦吟咏自得無幾然憂愁抑鬱之意其高崗固不在袁邵公下所著有菊庄晚香雪餘唱和諸集

進士張廷珪

張琦字廷珪更字東卿慈谿人天資穎異讀書一二過輒終身不忘作文有俊才自牖角入庠校負其才氣

若無人前輩亦畏憚之。正統辛酉中浙江鄉試時猶未冠也。及試禮部屢不售。益自奮於學。文氣浩瀚如峽江春流。不可抵禦。時海鹽張寧餘姚魏瀚嘉興姚綬俱有才名人稱浙江四才子。天順丁丑始登甲第。未幾以疾卒。

禮部尚書倪克讓謙

倪謙字克讓其先錢塘人。洪武初徙實京師。占籍應天之上元。生有異質。雙目炯然如電。體有四乳。性極穎敏。書一經目輒不忘。領正統戊午鄉薦。明年賜進士及第。

第一甲三人拜翰林院編修、太閣中秘書、也奉使朝鮮、
遠人一觀、丰采竦然、歎服、時有所作、卽席揮洒、略不經
意、莫不編頸吐舌、驚以爲神、景泰間、直文華殿、應制賦
詩、中官立嫉、以進、天順初、累遷至學士、簡侍、憲廟於
春官、日進講讀、多所啓沃、己卯、主考順天鄉試、斥黜權
憲之子、遂誣構以罪、論戍開平、在謫四年、悠然以詩酒
自娛、邊人愛慕、如奉所親、士子及門授經者、多所造就、
憲廟踐祚、詔復原官、尋與子岳同日奉命入史局、纂修
英廟實錄、時以爲榮、進禮部右侍郎、轉南京禮部、進尚

高乞致仕卒贈太子少保諱文僖諱平生德量寬濶
物無競喜獎拔後進聞人一善若已有之博覽載籍宏
中肆外人莫能及而勤敏嗜學至老不衰人以此衛武
公所著有玉堂稿百卷上谷稿八卷歸田稿四十二卷
南宮稿二十卷遠海編四卷藏於家

監察御史姚公綬綬

姚綬字公綬嘉興人少工古文辭天順中第進士爲監
察御史巡鹽兩淮鈎剔積弊准飢畫策賑濟流民賴以
全活蠶書褒美未幾出知永寧以母老特歸作滄江集

月舟遊泛甚適書圖妙絕一時詩文暢逸所著有大量
天人合旨及雜集若干卷

劉邦彥英

趙廷玉霍孟暘俞鳴玉附

劉英字邦彥錢塘人自幼篤學操行高潔其爲詩清奇
俊逸儵然出塵當天順成化間隱居不仕與劉士亨趙
廷玉霍孟暘俞鳴玉結社賦詩英長篇短章備極工巧
名振一時

兵部主事羅邦彥信佳

子縉附

羅信佳字邦彥慈谿人少有異質嘗與同邑桂瓌羅

馮璋時中讀書永明僧舍其四人者講讀窮晝夜一燈聚首每至夜分信佳獨寤睡達旦及舉所讀信佳背誦如流至講解經傳四人紛紜未定而信佳卧其旁以一言決之景泰庚午與四人同領鄉書大理鄉夏時正題其讀書處曰聚奎堂爲文記之成化丙戌登進士第除南京兵部主事未幾卒其文字簡嚴人謂其似李太伯爲人和易未嘗以才自矜位不滿德人咸惜之子縉亦舉進士官至監察御史

石城訓導魏達卿傳

魏偁字達卿，慈谿人。由郡庠生貢於春官，廷試第一。授石城訓導，自幼穎慧，讀書日記數千言，稍長，博極羣書，以文雄於世，爲詩希盛唐風格，典雅不凡，恒以立言自許。時與學士楊守陳兄弟相和答，甚器重之。偁天性素友，動師聖賢，平生不見疾言遽色，與人交溫厚，樂易，惡利誘，勢惕則屹然山立，不可動搖。其教石城，以身爲範，學者宗焉。所著有經書、僅悟、覈克子茶餘詩話，圖見類纂。小史雲林詩略讀史編。

籍冠道人徐延之伯齡

孫伯齡字延之錢塘人號箴冠道人博學強記淵覽
律尤工樂府嘗雜集楚騷數十枚考其音之中律者
一草俄頃而協所著有蟬精集二十卷

司理戴孟常經弟繪附

戴經字孟常嘉興人御史祐之子也攻苦關學以能
稱成化丙午舉於鄉歷延平九江二郡司理君官執法
首澹泊歷任六載獨處官署未嘗以家累自隨公選
垂簾著書陞秦安知州致仕家居益肆力學問文益工
所著有博陽餘稿雙湖集行世秀水前未有志志自經

始其弟繪癸丑進士

稼翁洪唯卿貫

父性附

洪貫字唯卿鄞人處士性之子性素博學有文章擅詩賦爲一時名公鉅卿推重貫少受性易學舉成化丁酉鄉試除義鄞州益復肆力爲古文聲陞知從化鑿改政和政和有紫陽西山遺跡貫因表章發揮以經學風勵多士士彬彬起然竟不進得下考歸因擬少陵秋興八首以見志晚結廬東野更號稼翁自嘆其間取唐人詩雅之殆備好事者爭傳之或丐銘志譜牒以爲重

新編江陰靖江四邑志皆其手筆也年九十卒時猶不
忘摘輪詩文流傳人間有周易解疑卧遊清嘯錄太白
山人稿五十餘卷

司訓沈國鑑宜

沈宜字明德仁和人由歲貢宦安慶府學訓導天資夙
敏銳意攻古文辭尤長於詩下筆立就多驚人語晚節
好園山水多興致頗自珍不輕點筆世亦以此珍之

邵司馬周天雨澤

周澤字天雨嘉善人博學有才爲文清婉詩亦工績績

和參作無一設出人觀膺祭之。成化癸卯領浙江舉人
第一登進士第。調襄陽府推官。二年獄無寃滯。陞福州
府同知。尋轉贛州卒。

劉季俊杰

劉杰字季俊海鹽人。幼穎敏。讀書過目輒成誦。初學禮
於許伯金。復受尚書於邵宏譽。經明不售。遂弃去。專意
學古。通聲律。書數。長於詩文。成化改元。徵杰修英宗
實錄。晚年著作煥然。德壽澤。卓爲鄉士夫儀矩云。曰
正齋林院修謨錢與謙福

觀福字與謙其先本嘉興之桐鄉人五世祖德明徙蘇
子養於西園薄氏高祖實出居放崔灘福因自號崔灘
福生而穎異八歲能屬文長益闒肆凌駕今古波瀾
溢鋒焰逼人弱冠補博士弟子員與顧清沈悅齊名
稱三傑福嘗遊小赤壁對客放歌云六丁板出天地
一柱鎮壓吳江東時人以爲奇句年二十六舉於鄉三
十恩省試及奉廷對賜進士第一人福幼時病劇其父
夢人語曰爾子吳寬也時吳文定向家食後連舉省殿
三元至是乃應於人在國朝未有第狀元者甫之自福

韓授翰林院修撰三年告歸又四年以大計罷又七年
而終初福之在告也放意山水益肆力爲文藻出入激
經緯志所適遠近購請甚卹嘗答殆無虛日每廣塗期
羣客競請各用輜楮爲起居酢酢交錯不廢諧謔其
隙遞續之比酒罷無弗就者當是時福名滿天下從者
如雲雖宿學通人莫不避席相遜而福亦意氣凌悍迭
無足當者居邸中日飲亡何當其醉後衝口恣吻時或
逆人同列皆不堪以故得謗卒於不振然其中心隱憂
羣人所不及者方諸急歸恐絳壘關時權輒卸他出

艤舟三日。從者怏怏。欲自啓關鑰。福不可曰。必雷郎至。
郎乃命吏逆郎。是逆天子也。已郎至。大爲媿謝。願厚
其酒資。以酬福。福却之曰。不獲。豈爲爽。踣正。頓其。居處
遇郡邑守相。落落不加禮。太守劉琰。願情之。嘗。人。道
此白眼兒。奈何負一第。而不置我輩。曠劇也。獨無急我
時耶。福不顧而守。偶以事。捷丞丞。逮甚。已而丞失官。故
守也。誣守受贓千金。郎使者入其言。幾露章矣。然時者
庶節方介人也。福聞之。操一舟。至吳門。力爲守。期其無
它。郎使者乃釋守。福亦不言。會守。謁。使。者。好。語。

愈曰。知君有胡威之清。非錢太史。幾與吾輩。齊矣。陳。而大息曰。不意士大夫之疎我者。而搜我乎。已。時歸陳。贈福而福。陳守如故。初。福之與計偕也。謂李西涯相。外適有以司馬溫公像求李贊者。李卽以命福。福授筆。畫就。中有披茅連茹公之在朝。青蒲變法公之在野。公之在位。是爲元祐公之云亡。是爲靖康。李太加稱賞。以爲數語。該括宋家治亂。殆盡爲之。廷。宴於謝文肅公。曰。此檢魁才也。已而禮闈廷對。果占首選。

文學董子壬裕

董淵字子壬海寧之錢山人董故饒於貲子壬生而謙異以志自雄很視家產夏然欲自別於富人兒喜賑施慕賢達所交皆海內知名士苟庸劣雖富貴人奴視之加詬訕焉人咸咎其迂淵安之不爲變獨時時好讀書世所傳書無不窺尤好先秦西京畢魏晉以下不足學時經義程文行天下淵居校中一簡不畜也此舍生間示之誦不一再行則大笑弃去曰淺淺乎兒侮聖訓壯夫羞稱焉有司課誦得淵文誦不一再行則大笑弃去曰怪哉將安所置是淵用是連試輒細弘治中以薦應

數陳王道獻若干萬言闕下。天子異之下禮部試會
要路人故淞所奴視之者沮之罷歸。既歸自顧生世弗
諸益放誕爲大言廣際天地幽極鬼神遠邇皇王近遠
古今名達罔不評刺或發之詩大篇短章多奧雅可誦
然家日落其好施日甚錢粟在側來求者色辭爲可憐
狀聽持去持去盡則又破產以施若不知有家然家人
笑謔淞終自若以至喪明乃後已尸居穀食守黑闕光
沒齒無怨言因自號聽光大師喪明三年而卒卒年五
十有六所著存聖學全書真儒蓋語紫陽正脉并詩本

雜稿若干卷藏於家

莫仲瑛瑤

莫瑤字仲瑛錢塘人。隱居西湖。與劉士亨爲詩酒友。每醉後擊鉢。賡唱迭和。得句卽高歌於烟水間。嘗作讀史三篇。慨然暴謝安石文文山謝疊山之爲人。義氣橫發。音節悲壯。有古烈丈夫之風。

吳文英驪

吳驪字文英。山陰人。少敏慧。博學洽聞。才名籍甚。工文辭。嘗作東山賦。或以爲不。下孫興公。李文正東陽。見驪

所爲賂實王廟碑。歎實不置。稱爲文章宗匠。其志乘傳
記。率有體裁。好咨訪時事。評人物。志行散逸。不能爲醇
儒。而才美亦非諸儒所及。所著述頗富。而經典先達傳
最傳。

參議吳維新鼎

吳鼎字維新。錢塘人。少慧嗜學。父母念樹子。重苦之。友
禁弗爲止。卒以文章雄一時。正德中以進士釋褐。試吏
尹臨淮。以異等薦。司風紀。不報時。武帝南巡。縣次饋
食中。貴道臨淮者。非索甚橫。鼎出身爲民。遂爲中貴所

証逮繫詔獄廷議白雋還原官以薦擢南刑部主事歷
官廣西布政司參議乞侍養無何以病卒年五十三。剛
起寒約性鏗亮力學自立每危行不疑以哆憎口不恤
也性好文特甚其爲臨淮罷劇猶手一編伊吾治富南
北達路過客時有中原文獻家博文邃古諸名士大夫
輒輒委已交驩與相上下其論旣謝病屏居益專力萃
精債其積志六籍而下九流諸子策士春秋先秦盛漢
之誤古金石竹簡之傳旁逮外家雜說譎誕怪迂之語
罔不備飲醇酣江左北朝以還唐宋近代諸名家亦皆

夾籥入奧。神詣作者。故其文深。融大放。賸蔚宏肆。能盡
達其所欲言。每一篇出。學者爭傳。誦之。郡諸老先生。辯
博能言者。自以爲弗及也。時有紀述。莫適自任。必萃泉
亭。先生云。二子皆好學。能世其家。

太常卿吳仁甫惠

吳惠字仁甫。鄞人。少孤。隨其母育於異鄉。備嘗荼苦。類
異過人。習記誦。爲文章。卽越流輩。舉正德辛未進士。授
翰林庶吉士。歷檢討。轉國子司業。嘉靖初。太子方薨。
用文學惠侍經筵。日講多所啓沃。陞南京翰林。修講學。

士。歷官至太常寺卿。以病卒。惠自少。燕。蘊。長。公。文。華。道。毫。染。翰。醅。相。肖。大。學。士。李。東。陽。楊。一。清。常。以。東。坡。稱。之。惠。亦。以。此。高。自。矜。許。或。譏。其。不。能。進。於。道。惠。亦。復。譏。曰。經。生。學。士。如。好。古。者。且。就。左。氏。司。馬。讀。之。何。暇。及。我。哉。其。文。卒。自。成。一。家。言。有。北。川。文。集。若。干。卷。

陳用明鑑

陳鑑字用明。海鹽人。性高亢。早舉業。弗習。日馳駿馬。蹴踘擊劍。有古豪俠風。或慮其終。諷曰。出事公卿。禮也。紳爲省。臬掾。父兄尤喜。爲入鍊。鑑曰。大丈夫。不力學。何貴。

伏人下。弃弗就。遂閉門讀書。心弗擾。紛人罕見其面者。數年學遂成。至老不廢吟。篇章浩穰。金句波瀾。卓然爲吟者之宗。詩凡萬餘首。總名之曰句溪集。

文學郎仁寶瑛

郎瑛字仁寶。仁和人。生有異質。少長從先生。長者躋有儒稱。選爲學生。博綜藝文。肆意探討。素有疾於進取。潛如也。有愛之者曰。如後時何。瑛曰。吾已委身載籍矣。豈復與少年斷斷乎。甲乙邪。因作脾詩以見志。督學使袁。惜其才。猶欲調羅推挽之。卒謝去。家所藏經籍諸書。火。

韋雜家言甚盛日危坐諷讀其中攬要胤華刺瑕指類
辨同異得失著而爲書曰青史哀鏡六十卷七修類纂
五十五卷四方纓綬之士見其書無不願托交者時奸
黨之禁未除瑛獨討革除遺事作萃忠傳以明靖難諸
公之節見者爲之咋舌瑛不願也正德末寧藩討始萌
芽衆謂不足慮瑛獨以爲憂及聞王文成在嶺喜曰豎
子不足平矣已而果然人始知瑛蓋有志當世而命不
獲遇卒以著述終也惜哉

桂林守華仁卿愛

華愛字仁卿，鄞人。甫成童，輒博識，強記。其苦於學，年十二，舉於鄉，成甲戌進士。歷官職，方郎出守桂林，政績赫然，以抗直忤當路，投劾歸。日以詩書自娛，典至輒携其所知，夷猶於迥溪疊嶂之間。見雲蒸霧變，木秀草榮，欣然以詩文發之。精古書法，每臨池，池水盡黑。粘題，吐瀝往往闕右丞少陵之籀，而入其室。揆辨吮墨之士，方翕然向風，而竟以不藥死。所著有石窠集若干卷，藏之家。

朱朴字元素別號西村海鹽人博雅工詩善画爲人澹
嗜欲體癯而修音聲琅琅每一吟咏能令鄙吝坐忘力
稽具餐暇或弄笛月中興至則吮墨寫山水小圖懸壁
間絳玩之或作蠅頭小楷題詩其上客有造者請之去
無靳色郡大夫高其名懇致之以疾辭且曰吾氓也焉
可與尊官抗禮吾無他能以益若治吾休矣蓋時有官
者多賤士莫肯下賢冥鴻之慕仙仙如也王孝廉文祿
以其趣與詩可方陶靖節有西村集若干卷

沈用之賓國

沈賓國字用之。義烏人性英特。博閱經史。弱冠卽厭舉業。攻古詩文。嘗遊越。謝文正遷一見之。喜曰。此今之長吉也。爲詠舞鳥圖。贈之。爲詩多奇思。不肯作尋常語。所著有五經註疏。太極圖衍。皇極經世書疏。文集若干卷。

提學副使陸舉之鈇

陸鈇字舉之。副使。偁季子也。甫能言。乳媪命之以字。百試不爽。稍長。慧智開發。一目輒數行。下已。舉於鄉。庚辰舉進士。廷試第二。拜翰林編修。讀書中秘。益銳志問學。盡覽經史百家言。尤砥礪名節。以古人自期待。頊修

武皇實錄成進修撰以議禮忤秉樞遂出爲湖廣按察
司僉事再轉遷山東按察副使職專學校敦本抑末諸
士爲之易趨山東舊無通志歎曰海岱山川之宗也聖
賢人物之望也六經文章之淵也惟茲一方之志而天
下古今之事備焉吾當任茲役矣遂考古蹟今補遺墮
訛窮日夕不懈比踰年志成而銜告病矣上疏乞骸骨
不報卒銜性溫厚和而不流口未嘗言人之短而耐大
之氣侃侃不阿犯履咥之戒曾無回忌卒坎塲以死銜
素書無不讀爲文與衍宏暢詩則溫醇而典雅畜而諷

有晉唐之風所著有少石子集十三卷藏於家

施進士侃

施侃歸安人舉嘉靖丙戌進士少穎悟博學自經史取
家律曆醫卜兵家竒秘以及稗官野史無不該覽有得
輒書於冊與人談古今如河懸以注滔滔不竭爲文雄
渾詩有氣格著青山集若干卷行於世

孝廉沈士明燿

弟燿子士立附

世

沈燿字士明武塘之麟溪人弱冠舉於鄉卽以郭有
人倫東國自居父乘好行其德燿每陰拓之凡一語

行之善必稱自父出及父卒摧毀倍恒適島夷薄境空
邑走避燭獨號泣扶父柩冒鋒刃以葬室廬篋篋焚掠
俱盡不問也寇劇議築城以守兩弟當分役郡縣須一
言以免燭不肯曰此自爲閩黨生靈計吾家何可不效
春甫爲父老子弟尋尺謀竟以身代之先後郡邑大夫
高其誼思一見不可得凡十上公車不復藉有司具行
李一切謝却曰曾無益於縣官顧頌公鑑爲長安游衍
費邪居家動遵古禮日闔戶手一編不輟與弟炤自相
師友詩文抽自理學佐以蘇韓不爲雕績書法道逸酷

似未南宮。然不漫爲捉筆。所至問奇。履滿戶外。苟非其人。卽貴戚。梁竇弗許也。卒年五十九。所著有石齋遺稿。行于世。子士立。亦能詩。尤工書法。人以比朱氏虎兒。

翰林編修王懋賢相

王相字懋賢。鄞人。生而穎慧絕倫。少受家學。輒奮勵。誦習。昕夕不懈。稍長。沉酣經典。鈎稽史氏。而力殫於淵學。吐英摘華。樹聲稅林。嘗讀書高錢山中。每夜灼一燈。琅琅誦不休。飢則拾蹲鴟火而啖之。或申旦不寐。隣傭屨。苦之。竊議曰。何物豎儒。欲以是博官邪。聞之。迄不變。

德舉於鄉，再上春官，始成進士，選爲庶吉士，讀中秘書，愈自刮磨，如茶攻苦，如寒士爲文，根柢六經，而步武莊列，每意至，卽伸紙濡毫，頃刻千餘言，氣洵洵，不斷辭之，勢逸驥而下，竣坂也。壬午，授翰林編修，甲申，以議禮忤旨，逮詔獄，已而廷杖，過楚竟卒。年僅三十，有七，有文集若干卷。

尚寶卿戚希仲元佐

戚元佐，字希仲，秀水人。嘉靖壬戌進士，文聲籍甚。初議選館詞林，薦推毅之。忽中旨傳免，後授儀曹，會穆廟

登極典禮多所匡益宗藩一疏深憂願畫不減買洛陽
雖報閉塞後世必有行之者已陞尚寶卿告歸居家廉
靖不爲請調長於詩文又善書画著有青藜閣集

論德姚維東冰

姚冰字維東司馬鎮之長子也母嚴夫人夢五色鳥投
懷遂生冰及長狀貌奇偉資識過人領正德丙子鄉薦
連不第益肆力同學嘗曰讀書常與天下後世爭雄長
一力不足爲也嘉靖癸未遂魁天下授翰林修撰爲經
筵講官積誠感格旋略詢華每進對稱旨歷陞春坊論

德人方以公輔期之。會丁父艱，以哀毀卒。冰性孝友，六歲喪母，執禮如成人。事繼母無間言。尚書陰例，以嫡讓讓異母弟，汲以悅親心，深讀書，務為經濟事，不拘拘文辭。如邊防、海運，皆有定議。作諸邊圖，時有翰林三絕之稱。謂經學、詩學、史學也。有明山集右千卷。門人楊維傑哀其文，為之論曰：漱六藝之芳潤，儼百代之英華。發而為文，夸目愜心。竣如喬嶽，浩如長江。融如春陽，烈如秋霜。明興作者，如公幾人。人以為知言。

大理寺卿沈遂伯玄華

沈玄華字遠伯秀水人嘉靖壬戌進士少嗜學不問家人生產登第後屢告休沐閉門著述性善飲嘗左持觴右執卷伊吾至丙夜意得處輒引滿凡天文地理靡不綜究嘗考古今方輿自唐虞三代以至國朝其形勝阨塞要害皆有圖說字法趙松雪晚而極意鍾王終不能脫故步爲人謙厚不喜談人短仕至南京大理寺卿

文介先生支心易大綸

支大綸字心易嘉善人少穎拔讀書目數行下凡經史子籍天官地理兵農禮樂九流稗志無不精究嘉靖甲

子學於卿甲戌始成進法試政新曹時江陵秉政借進
白燕紅蓮以爲瑞論曰言於朝曰大臣不宜稱祥瑞故
移心屬禽鹿色黃之黃五月蓮固宜花即不然物非其
時謂之草燕玄鳥也白者金象花爲兵異瑞之有江
陵聞而嘆之遂請教南習論年考厥以蒞陳僅遷泉州
司理時承春令以珣憤激民變置司歛兵之論不可曰
或民無告撫之宜自定乃準耕鞋論之亂民萬計舉按
戈赴想卽渤海之靖亂弗及也侍郎洪朝選失江陵意
當事者將中以危法論執不聽和洪公亮正觀那范天

博之備。殺之非。臣又爲瘖異。陳天道。人事。不宜。在。臣。本
臣。媚。人。以。取。容。聞。者。吐。舌。江。陵。聞。而。益。嘆。之。遂。中。以。爲
功。法。家。食。七。年。推。補。江。西。藩。幕。遷。奉。新。令。益。所。自。對
時。與。上。官。爭。小。民。之。命。不。可。得。歎。曰。天。下。事。尚。可。爲。乎。
遂。拂。衣。歸。行。李。蕭。然。士。民。饋。金。巨。百。始。養。給。笑。曰。若。性
知。學。居。官。廉。乎。即。罷。官。康。潤。在。也。堅。却。之。歸。而。著。書。按
道。清。風。魯。知。子。葬。式。庶。未。嘗。報。謝。生。平。偉。抱。訂。謀。憤。發
慶。垂。精。簡。於。傳。錄。而。道。轉。於。陳。陳。者。悉。於。詩。文。中。發。之
蘇。務。高。雅。筠。筠。新。著。道。然。故。也。陳。曾。年。七。十。一。門。美

私謚曰文介先生所著 永昭兩陵史五十年間朝野
實事爛然大備一以無見衷之知罪不顧外十餘稿三
十卷華平先生集四十卷行於世

工部右侍郎蔡子木汝楠

蔡汝楠字子木德清人生而穎異八歲隨父南雍聽甘
泉先生講白沙之學輒點頭一座大驚十八舉進士投
行人函璽書授齊楚諸王府所至輒按圖眺名山賦爲
詩歌片紙所落人皆曰不減漢之襦衎與燕張言河南
高叔嗣昆陵唐順之晉安王慎錢唐許應元姑蘓王省

曾及皇甫兄弟輩時時以聲律相唱和而汝楠之文譽遂翩翩一時已而以南京刑部員外郎出守歸德以強幹聞兩河間無何母艱歸築室前山之麓益發篋讀三代以來古六經孔孟莊列荀楊下及騷選釋老列仙百家之言無不掬其疵類而探其指歸服闋補衡州衡縣僻楚之南服故多才稍稍以經術醞釀之飭石鼓書院與諸生絃誦其中封以內多名山响嘯祝融七十二峯之勝每政暇數携諸生出游游必有詩令諸生歌詠之曰釋所頌人又皆曰是不敵漢之文翁歷江西布政司

舉政周行郡。輒遇鄒東郭祭酒。羅念庵司諫。相與論學。以究性命之旨。徙山東按察使。再徙江西布政使。歷臺察院右副都御史。巡撫河南。召爲兵部侍郎。典戎政。出爲南京工部侍郎。卒於官。汝楠生平好著作。不事生產。自少服官。至躋貳。猶蕭然如書生。四方賓客所共從遊。往往若披穆風神解。以去亦忘。汝楠之歷官。躋貳者。所著有六經札記。自知集。樞管集。白石文集。八十卷。藏於家。

同知范孔嘉言

彭翰附

范言字孔嘉秀木人嘉靖丙戌進士居官極落自漢
令改學博歷國子監丞陞大理府同知致仕言博綜經
史善屬文里中以為嚆矢比部彭轅以文辭相讓轅
宗韓歐有體裁彭宏肆綺麗出入史漢兩家各負筆墨
相下說者謂范馴謹而彭文肆質樸落極不羈李益
以老言所著有菁陽集

沈懋學仕

沈仕字懋學仁和人刑部侍郎鏡之子也生而俊邁
讀書厭繩束故不習經生言雅好詩翰多蓄古法書名

國朝夕展玩。又之有得。乃援筆揮洒。風神氣韻。絕勝名
家。壯年益豪放。不羈縲。適遊討。爲詩綺麗。覽朕在大曆
以上。點染花卉。如黃荃山水。筆法清勁。師吳道子。而胸
中丘壑。甚富。故結構多奇。每言吳越山水。淺薄不足以
豁眼界。而開心胸。於是渡江涉淮。東走齊魯。登秦岱。北
抵燕薊。歷九邊。周覽既廣。學益進。而興益豪。有購其詩
圖者。饋遺累千金。仕入手一揮。而盡。妻子在家。不免飢
寒。曠然不以爲意。先世宦橐。既蕪。仕復不問生產。比返
實。廣德。四壁立。猶以筆墨養其暮年。然意所不當者。雖

賈奉爲勳士大夫以此重之年七十餘卒

武庫郎中應瑞伯雲鷺

父振肅附

應雲鷺字瑞伯象山人父振肅邑文學有聲生鷺最聰
甫能言卽有大志嘗詣父讀書處見墳典盈架輒指而
言曰會須讀盡此書方是男子父陰奇之及長遂刻意
淬勵六經子史無不綜貫嘉靖辛丑成進士出宰臨瀛
參神明之政陞車駕主事再遷武庫郎中時北虜號
數議征討防禦之計贊畫爲多丁內艱歸服闋續原
卒於官鷺儂觀修潔制行端嚴聞道甚早好古文辭

所撰述悉根本六經而步武於遠固理明詞暢刊
音殆盡所著有臨川集經書講意東塘擊音象川雜錄
孝廉王茂成養端

王養端字茂成遂昌人侗儻負意氣抵掌談古今滾滾
如懸河東下攻古文辨作聲詩如出唐人口吻舉順天
亞魁大學士袁燁每推較下之與濮州李先芳揚州宋
臣諸名公相結甚惟平生著述甚富而最傳者有震堂
集山居論

陳山人雀

陳山人名雀會稽人也生而穎敏絕倫博綜墳典窮日夜不休年十七襲祖蔭得官官故百戶非其好也居恒鬱鬱不樂得奇疾百療弗效山人則自爲醫七年始愈愈而弃其故所受官着山人服人遂稱爲陳山人山人詩文高古若騷賦詞曲草書圖画能盡效諸名家卽其所自娛戲項至吳飲越曲權歌菱唱輓章蘼露饒逐侏儒投壺博戲酒政闔舞拜官小說與一切四方之語言樂師摩腹口誦而手素者一遇與至身親爲之靡不盡態極調至對客談說古今與言一氣萬類儒行玄釋凌

野恢弘又足以撼賞世學士而橋其舌以故賢豪日造其庭願得山人片墨或望見顏色一談一飲以爲幸山人又喜拔窮士士或往四方又必借山人片墨以勸豪貴人每值山人飲爭舉爵持俎載華素以進山人則板髯握管頽曳爲一擲各愜其所乞而後止而往復箋札醉醉去留目管心記口對手書又雜談論諧謔一時雜陳燦然畢舉於是軒蓋益集諸司巨公卿郡邑長吏咸銜命之使有未見者縉紳而先造山人者山人卧未起或時就榻見之諸公既異山人姿高其屐而山人指顧

自如雄談潤視雜以嘲詆無不心醉氣折願納交而去
蓋居家如是者幾三十年以爲常晚游金陵客四年而
不返既卒同邑徐渭表其墓有曰山人氣雄邁跨諸貴
游似東方朔敏似劉穆之其爲瑣細藝劇忽整衣曠談
理道辨世務又大類曹植之見許淳然三人互有所短
而山人獨兼之若海驪山負者然殆天所縱也邪吾不
能測山人矣其爲名流所欽服如此

項子瞻元洪

弟元洪附

項元洪字子瞻秀水人生有至性狷介寡儔不治家法

生處居恒博學嗜古於書無所不窺工詩辭尤好隸書
古法書草聖每遊戲翰墨尺幅數行人競寶之季弟元
汴博物好古尤精繪事家藏丹青墨跡每與到輒臨摹
題咏其間自命曰墨林

田督學汝成

田汝成錢塘人性穎敏博學強記流覽百家言覃心作
述爲文沈涵穠郁有齊梁風尤善爲記事書其叙事理
縱橫多雅致兩爲督學使者處有文譽杭士自弘正來
揚聲藝苑者若許給諫相卿吳少魯鼎許右使應元暨

汝成爲最著云。

按察僉事楊汝承祐

楊祐字汝承世家蘭谿曾祖永政徙嚴之建德祖大昇再徙錢塘遂爲錢塘人少英敏博學年十八當嘉靖改元領浙江鄉薦春官不第歸治一室於河湄散列羣籍日流覽其中八年始成進士第試月初生賦天育驟騎獸改翰林庶吉士明年出知興國屢遭讒忌時起時厭德屢官湖廣按察司僉事以暴疾卒於官年纔四十餘

士大夫聞之爭相吊曰文人已矣當是時也

信陽以古文雄視西土而大江以南則故翰林江淵參
議吳鼎與祐後先崛起與何李重軌而馳初祐之上計
京師也鼎嘗論敘送之以爲買生明國體而匡衡推經
術紹嘉蒞執其楊生祐亦獨喜自負爲文章奔放凌轡
若馳車九折之坂而河決金堤莫之能禦也其議論雄
辯勇決颺起泉湧卒然聞之駭汗愕視至其才用更自
天性他人縱躬已獨奮前酬發穎脫旁不見曹伍然亦
以此見忌身不安位而年不竟才世共惜之所著有端
居典國西曹野城濟南西江湖上荆南諸集藏於家

江西左布政使徐子與中行

徐中行字子與，長興人。生而穎警，十數歲即能舉子業。旁及古文辭，十六補邑諸生。無何，領鄉薦，遂進遊南太學。益爲古文辭，行白晳美姿容，眉目如畫，能飲酒，工諧笑，所周旋無非賢豪長者。以故，聲藉公車，間凡十年而成進士。授刑部廣東司主事。嘗是時，濟南李攀龍、婁江王世貞同爲諸曹郎，以古文辭名行，竊心下之。交兩人最難，而同年中若梁有譽、宗臣、吳國倫、咸來相劇，切行。趣取，隨草悉焚之。自是詩非開元，而上文非西京，而上

無遺矣。會京師楊繼盛者，上書劾相嵩論死，猶在繫。行時，時索糧食之，問一人相慰語，慷慨歎歎泣數行。下相嵩，何知之，怒甚，勿恤也。尋晉員外郎，郎中而繼盛已徂死。行解索歸其喪，相嵩何知之，怒益甚。遂出知汀州，外艱歸，服除，補汝寧，兩政俱以最聞，而相嵩之怒未解也。竟中以察歸，行好客，客時時滿座，稍能綴韻，或搯一藝者，至行家如歸，問衣則衣，問食則食，問所虛借則爲草薦書數十函，不倦。行以是益困，母夫人從容語行曰：「而不念來日耶，而不爲祿且。」上英斷正臣，新柄國，不以

時白見寬狀，勉圖功名，自効而刺促一塵。若水上耶行，感乃之吏部，選得長蘆轉運判官。三月，遷瑞州府同知。以母喪奔歸，哀毀幾不勝。時徐少師階當國，內重行，超爲山東按察司僉事。服除，補湖廣武昌武昌首道也。案積委克宇行，以精心應之。立剖積資爲雲南布政司左叅議。寒暑無間，行部出則用什伍法，練士入則緩帶延儒生，講說執文彬彬矣。以賀萬壽行，悉留其携書數千卷，寘公庫。遷福建按察司副使，尋爲右叅政。逾年而進，按察使凡三治其省政，益習歲時，識決寢平而城西。

有積水百頃一山巖之行乃捐俸入創亭榭勝處沿隄植桃柳輕棹徐進與僚佐引觴詩闋人指謂使君何必減山荊州哉遷江西右布政使尋轉左領郡至十餘所籍三王國子疾而下祿食供億以千萬計而他所請質平停綜覈頃刻百端造請臺使宿筵館餉無虛日行談笑應之咸歎服以爲神一夕以中痰卒年六十有二橐中無俸餘不能其棺歛時王世懋方分部南康驚而奔以一日夜至力爲經紀其道路費始得歸行孝友敦睦寬然長者其舌有瘞而無否汎愛親仁久而彌篤嘗

時所稱七才子者，行獨莊，事李攀龍，不敢以友進者，終其身。宗臣、梁有譽，早死。李攀龍高簡，少延納。吳國倫與王世貞，不耐口語，而世貞性復踈脫，卽搯脈者，思甘心焉。而於行靡間言，以故得隈，醜稱。一日國老和而甘，且善劑也。行於詩格高而調逸，近體弘麗，悲壯讀之神，筆文趨步古昔，所立卓爾。有青蘿館集、續集、天目山堂集，凡若干卷，行於時。

徐文長渭

徐渭字文長，山陰人。幼孤，性絕警敏，九歲能屬文。年十

縣倣楊雄解嘲作釋賦二十爲邑諸生試觀雋而竊書
不薦武進薛憲副應旂督學浙中大奇之名益起未幾
胡總督宗憲招致幕府管記宦時獲白鹿海上命淵作
表以進上大嘉悅其文旬日間遍誦人口憲以是益
重淵然淵性豪蕩不羈既直幕府猶時出從諸少年獵
飲市肆幕中有急需召淵不得夜深開戟門以待之偵
者得狀報曰徐秀才方太醉蒙蠶不可致也憲聞則喜
曰其善甚善時幕府勢嚴重文武將吏庭見則伏無敢
仰視者而淵戴敝烏巾衣白布澣衣直闕門人亦無忌

諱憲常優容之。涓亦矯節自好，無所顧請。然性豪恣，或藉氣勢以醉所不快人，亦畏而怨焉。及宗憲被逮，涓懼禍及，因陽狂，已乃爲真。尋遘劇炎之獄，幽囹圄者八年。張官論元忤重其才力，援之獲免。旣出獄，日閉門與數狎者飲噉，而深惡諸富貴人。自郡守丞以下，求與見者皆不得也。人多以是怪恨之。晚絕穀食者十餘年，人問何居，曰：吾輩之入，偶厭不食耳，無他也。尤不事生業，客幕時有餽之，洮菰十許疋者，遂大製衣被，下及所獲私簾之服，靡不備者。一日都畫及老貧甚，弔手自給。然人

操金請詩文書画者。值其相裕。卽百方不能得。遇窘時。乃肯爲之所受。物人人題識。必償已。乃以給費。不卽償。餒不妄用也。有書數千卷。後斥賣。殆盡。情荒。破弊不能再易。至藉藁寢。年七十三卒。涓初坐法。繫獄中。憤愆。欲自決爲文。自銘其墓。有曰。涓爲人。度於義無所關。時輒踈縱。不爲儒縛。一涉義所。否。雖斷頭。不可奪。平生有過。不肯掩。有不知耻。以爲知。斯言蓋不妄者。其自名如此。涓於行草書。尤精奇偉傑。嘗言吾書第一。詩二。文三。画四。識者許之。涓歿後數載。楚人袁宏道來會稽。得涓集。

讀之稱爲有明一人。因錄之傳。有日文長。旣已不得志於有司。遂乃放浪。趨葉。恣情山水。走齊魯燕趙之地。窮覽朔漠。見山奔海。立沙起雲。行風鳴樹。偃幽谷。大都會。物魚鳥。一切可驚。可愕之狀。皆達之於詩。其胸中又有一段不可磨滅之氣。英雄失路。託足無門之悲。故其爲詩。如嗔如笑。如水鳴峽。如種出地。如寡婦之夜哭。羈人之寒起。當其放意平時。千里偶爾。幽峭鬼語。秋墳文長。眼空千古。獨立一時。當時所謂達官貴人。騷士墨客。文長皆奴而叱之。雖不與交。故其名不出於越。悲夫。所著

文長集關編櫻桃館集註莊子內篇卷同契黃帝素問
郭璞葬書各若干卷四書解首楞嚴解各數篇皆有新
義潤貌修偉肥白音朗然如喚鶴常中夜呼嘯有羣鶴
應焉二子曰枚曰枳

翰林院修撰沈懋孝

沈懋孝平湖人自幼明敏絕倫讀書數行俱下一過目
輒不忘爲文洋洋纒纒宿學視之皆避席年十九舉嘉
靖乙卯鄉試壬戌捷春官不廷試歸隆慶戊辰始入對
大廷選庶吉士歷翰林院修撰與試南畿中盡語請免

兩鞋。連携。衣歸。懸。孝。生。事。無。他。好。唯。篤。嗜。國。史。自。金。匱。
石室之書。以至名山大川之藏。無不搜羅研究。其博洽。
近代無比。故屬文最富。麗典則。每有乞其文者。輒引紙。
疾書。不經思索。不加點竄。視其紙之長短。必竟紙乃已。
與客談古今事。及品評子史。則議論風生。抵掌不倦。賦。
性超超塵外。不問家人。生產卽千金在前。頃刻散盡。以。
故家日落。里居近三十年。戶外事絕。不與聞朝夕。苦吟。
不減諸生時。所著有長水集若干卷。行於世。

方九敘黷。猶人少卽慕古。修辭冀託不朽。長與海內諸
名家唱和。甚有聲釋褐。除兵部主事。守山海關。明習邊
務。將幸憚之。葺倉貯穀。散種食於民。不徵其息。比代。羣
下號哭。擁馬首不得行。僞留傳舍。乘夜間去。積官知感。
天府性抗毅。直行屢忤。巨璫遂投。劾歸。益討故業。易耕。
鹿入冲雅。居然稱大家。爲人高朗。善論事。當其抵掌。上
下古今。千百年如身處。其際而爲之折旋。負經濟之味。
不究其用。世共惜之。

袁州司理徐茂吳桂

徐桂字茂吳餘杭人形短鰲瘠偏盲而性警敏讀書一過目輒上口博綜經史工古文辭登隆慶辛未進士第授袁州府推官堅正不阿每執法失上官指遂投劾歸僦居杭城之東隅地幽僻有亭池竹木之勝亭中列古圖史金石遺文與商彝周鼎雜諸法書名画日婆娑其中有潔癖巾幘衣履無不精楚客有過之者先使人謁覩衣服新潔方便使前促膝無所忤及去猶令人交盥拂其坐處衣垢覲寢者避之如仇人以是怪恨之不覺也尤以高簡自持郡邑將初至公謁外無半刺人亦

是莊重之興。至發爲詩歌。奔聲漢魏。六朝間。天寶大曆
以下。不使一字入筆底。海內慕其名。以碑碣版刻。來茲
者。非其人。千金不與也。詩尤長。咏物。古人咏物。率以通
言。而桂獨以七言。尤難。鍛鍊句字。無不工者。西湖十詠
贈炙人口。屬和者數十家。終不及也。所著有詩文雜稿
數十卷。行於世。

太學茅穉延翁積

茅翁積。字穉延。鹿門先生長子。鹿門以文章名海內。而
翁積才更高。名駸駸出鹿門上。性嗜酒。飲數斗不醉。醉

輒。漬。筆。爲。詩。文。數。萬。言。立。就。人。稱。爲。李。謫。仙。之。流。翁。積。亦。以。謫。仙。自。命。不。可。天。下。士。醉。見。人。輒。罵。見。尊。貴。人。益。大。罵。不。少。屈。未。幾。以。諸。生。高。等。推。入。南。國。學。爲。都。講。與。院。妓。狎。遂。置。別。室。時。微。有。不。能。容。者。遂。構。誣。以。獄。死。論。者。曰。李。謫。仙。識。郭。汾。陽。於。卒。伍。其。識。亦。固。高。天。下。存。其。脫。靴。殿。上。時。目。中。安。知。有。天。子。耶。才。士。豪。氣。不。除。竟。被。謫。請。死。非。不。幸。耳。第。當。時。無。汾。陽。已。從。永。王。璘。族。矣。翁。積。有。謫。仙。才。目。中。未。嘗。見。天。子。安。論。有。無。第。以。豪。氣。廢。縣。一。世。遂。因。脫。輻。馴。至。覆。車。盈。死。之。寃。痛。於。夜。郎。遠。矣。

時無汾陽其人遂使豪傑之士身填牢戶士之於知臣
顧不重哉翁積死幾五十年詩文猶膾炙人口惜多散
佚者所存僅芸暉館數卷而已其所作自敘文蓋獄中
絕筆也

布政司參議吳明卿國倫

吳國倫字明卿其先嘉興人以祖戍湖廣與國州遂家
焉生而穎異讀書一目數行俱下童卅卽善屬文宿儒
讀之無不神聳曰此兒文中繡虎也二十省試第一明
年成進士釋褐尚書郎剛直無事益肆方古文辭當是

時作者蓋有七人而齊則有李攀龍于鱗謝綦茂恭與
則有王世貞元美維揚則有宗臣子相吳典則有徐中
行子與南越則有梁有譽公實明卿以生於楚遂稱楚
材並集都下籍甚縉紳間茂恭布衣之俠爲于鱗嚙矢
于鱗獨建旗鼓元美剛之明卿子相屬鞭弭中原不相
避舍而子與公實爲之雁行蓋于鱗法元美儔子相豪
子與公實淳而明卿雅矣其宦轍所至歷燕楚蜀粵貴
竹大梁幾半天下故詩文老而益雄年五十四卽謫左
岳歸高卧下雉之數以騷雅風動一世者垂十餘年而

後平廣著有聲藝苑若干卷新安許相公序而論之曰
國初劉東筆出冷覽羣書仍元舊貫時謂博雅弘正之
際李何挺生徐薛嗣起追漢魏晉規魏纂唐時謂古雅
爰及嘉靖作者七人噫心扶膺窮工極變思務出奇語
必驚衆雄視後古且無當代時謂高雅而明卿詩循循
乎有玄暉摩詰之風焉其文稱是謂之爾雅始安張鳴
鳳亦曰百世而後如獨舉詩七子間焉古中程首稱精
雅者舍明卿其誰或曰師曠調鍾知音期於異代知言
夫知言夫

詔贖工部都水司郎中沈澄夫。子孝徵附。

沈沐字澄夫，海鹽人。生有雋才，髮未卵，吐語卽憂憂。長人老，儒不能辯，督學使者畢鏘試而奇之，取冠博士弟子。其後吐語益曳曳，讀而知之者絕少。試益詘，乃聚其稿燒之，去習泰漢人詞，益出於奇，惟神行鬼從，蛟聞避，奮其指細天地，少萬物，翻倒皇帝王伯，重闢日月而斲之。每捉筆伸紙，呼吸數萬言，立就。未匝歲，所著滿篋，家人弗戒燔於火，以告，且請死。弗答，顧命益紙，連屋無何，所著復盈篋，又燔於火，乃罵曰：咄咄，祝融子，何妒乃爾。

蕭蕭能矯吾慶耶自是意所剗剗口以授其子孝徵亦
復執筆而孝徵生六歲卽能與父屬句父喜摩其頂曰
吾兒出語有奇氣不規乃翁第而翁祝於奇終身弗
爾慎毋以奇自喜以爾之才而降心帖括取青紫如拾
芥爾縉紳筆舌易爲聲價由素所降心者以凌駕古人
當雄視一世矣而翁未竟之志在爾小子其勉之孝徵
拱手而應曰諾於是欽其奇崛紆爲恬雅十九試博士
卽冠其曹戊子領鄉書兩上春官不第益潛心正始之
音戊戌歲二甲進士釋褐工部都水司主事註選簡六

科廊事兼管 乾清 坤寧二官工程督造香山公主墳越二年奉勅督理清江漕廠兼理河道三年陞本司郎中奉勅督理南河管淮揚河道明年以病予告起補本司正郎奉勅督修 顯陵尋陞河南按察副使整飭撫民兵備分巡汝南道推陞陝西關南道叅政會中蜚語歸家聽調兩臺交薦卧不應堅遜凡十二年一日以微疾終孝徵天性篤孝以父貧而好施務有以繼其志凡俸入所餘悉推以周姻族閭里之貧者居官勤瘁所業除奸剔姦不遺餘力取予之際一介不苟每日余不

敢以苞苴之微汚吾清父且余素奉教於君子矣清以
持已勤以服官如是而已故其督墳香山也中官憚其
清核不敢肆侵漁工凡十月告成而昌平守者例以廩
給百金進孝徵怫然曰食常祿而勞王事何用此廩給
爲其受事清江也中流擊楫自矢曰當今稅璫橫行飛
而食人民不堪命寬卹民力爲今日第一義苟虐商民
而潤私橐者如此水及入罟而情竅有禁漁獵有禁建
潛厥條議數千言娓娓皆爲碩畫所節省歲以億萬計
而稅使魯保乾乾虎視幸諸無賴潛偵所轄事宜將梗

表潛政孝徵乃燕而執之悉抵於法由是橫瑣屏息
淮南北之人始帖席臥三年報代性例四總于千金奉
使者爲都下交際費孝徵見之怫然曰堂堂使臣襲此
陋規縱面目可飾如屋漏何且曰吾懼無以見吾父地
下也其清以成孝類如此然性耽篇詠卽執掌不廢淮
揚多水嬉長橋風月甲天下每公暇輒命小舟具肴核
酒茗同四方之騷人墨客騎雀於是者爲汗漫游酒醺
耳燕輒拈題擘鉢詩後成者罰以金谷酒數鉢響方鏗
孝徵往往徒就同賦者讀之無不心折也篇章之夥每

世傳民間婦人孺子皆能歌之曰此吾沈使君之與臣
同學者矣。嘗是時孝徵之文名滿天下。益高自矜許。下
視俗吏如水火。竟以是被誣。歸不色愠也。每慨然曰。吾
父苦心一世。文光化爲祝融。竟無一字留爲楷模者。吾
不肖。得以文章繼先業。使不傳於父者。傳於子。則父死
之年。猶生之日矣。何幸如之。至於升沉通塞。安足介吾
慮哉。故疾革之日耳提諸子曰。若輩辛苦讀書。毋墮祖
若父之聞。一語不及私。及卒。給紳士大夫。毋論識不識。
皆曰。東海之文淵淵矣。所著有玄暢閣集。行於世。他如

疏議雜詠啓牘臆奏論辯序記等篇其子延銓延發
而集之曰天放新編若干卷藏於家

光祿寺署正卓徵甫明卿

卓明卿字徵甫仁和人美姿觀眉目如畫有衛洗馬風
爲人烈亮薄章句竊與豪子弟學騎射劍術父賢覺而
督責之曰少年子不守檢柙事詩書而慕豪俠之行夫
士有鳴玉簪筆侍金華安事兵明卿始折箠閉門博經
百氏庶幾傾海內豪傑近則杯酒醪遠則竿牘謀夫一名
不爲明卿知至相請不比於人

鍾信度執轡。齊莊置驛。不是過也。初爲舉子。素與兄。燕文卿同舍。孝廉。肅精一業。而明卿性踞地。爲文。直。胸懷以是不合。於果黍。獨時時好。稱詩。耽裁。斷自大。原初爲國子生。賦桃溪書屋詩。詩聲滿留都。及北上。拜定光祿。游日益廣。諸名公咸忘年折行。與明卿結爲盟。而稱詩。長安市中。尋乞歸侍養。晨昏奉七箸。操几杖者。十年。父賢家埒素封。爲人抱樸。不游稅苑。至明卿。幾冠。蓋好文章。交游。入則接。出則連。馳居左右。多窄狹。輒執籌。辨肆私。謂。舉家見。不。疑。事。比。其。衰。乎。乃。相。

誦笑去時有鍾生懋者，青士好，稱許。母被祟，雉經，頰姑
素勃谿，緣坐於生，罪死。明卿故善令，陳請啓禁視故人，
日暮故不出，令趨之，曰：「吾以父老故，白孝子，寬十年，不
得信，今又不幸死，此身已許故人，寧與俱繫耳。」令歎曰：
有死友而無生親乎？是夕，深文解而生，得論戍塞上。然
明卿與生實未之識也。於是遠近咸誦公，誰謂卓郎夸
毘子哉？儒則通，儒俠則節，俠過乃翁長者矣。父艱，服闋，
補光祿寺珍羞署正，以疾卒。明卿天性亢爽，恒乘單舸，
香爐茗椀，浮家吳越，山水間，累月忘返。又稍喜遊于酒。

人家醜藉，熟與客浮白，放歌聲出金石，時發詠諧談言，
微中，淳于生，東方曼倩之流乎？中歲習禪寂，結石禪庵，
初託蓮花貝葉間，是將以無生竟矣，而竟死，是必有不
死者，在耶？所著有卓氏落林，唐詩類苑，卓徵甫文集續
集，北游稿，行於世。

東臯子殷方叔仲春

殷仲春，字方叔，廣西叅政近仁之裔，生而澹泊，喜讀書，
工詩文，慕隋東臯子之爲人，自號東臯子，隱居教授，歲
嘉興，釋之社南，菲屋葭牆，不蔽風雨，每携數寸錢，行遊

市中購古帖殘書補葺讀之往往申且不寐聞者笑以爲迂漫弗顧也精於醫遇人無貴賤疏數備風雨冒寒暑雖委巷痺室必往往則惟操舴艋小舟平頭奴子而已或曰盍不爲豪態以瞰里中兒仲春日隱於壺隱於壁車畫舫乎且令病病者慕病貧我下忍爲也刀圭所投無不立起人然不索金錢不結藥費所居差邪性視而席帽敝裘如故天性孝友父歿喪葬如禮悉以身肩之不煩諸季母病篤露禱告天請移十年之筭以益母母霍然起果十年而歿一日火震於隣遠近奔捍仲奉

家本瑤瑯益悉移去火滅仍歸之尺寸無所失人以爲
盛德之報仲春雖習隱然博通六籍百家言精綜古詩
賦與至捉筆往往追步古人黃學士洪憲以詩文名家
慎許可得仲春葆楮一賦讀之大奇口不意菰蘆中復
見此異人因時時與往來微察其隱多非文章士之所
能及者大嚴重之爲立傳縣志隱逸中時沈大司馬恩
孝歸客有譖者曰一醫師而登志書大可異沈司馬乃
微服訪仲春闔其戶陋室也叩之無城府醇謹樸愿人
也徵其書者毋錄手自乙也其詩文漢魏六朝伯仲間

也沈司馬大悔知仲春晚暮拜迎至家嚴以上客之禮
且數曰使邑志盡如殷先生者吾可無憾矣凡志惠生
者不立傳生而立傳者謂其貧不改葬也自殷仲春始
卒年七十有一所著有墨風品藻有醫藏有續醫說金
編有集數十卷藏於家

吳少君孺子

吳孺子字少君蘭谿人幼從父一源歲貢上京師父病
痺遂扶倚歸大父明由省薦俱不及授官卒孺子質樸
薄夏時屬相屬習類不問家人生業盡粥其田廬生子

不有妻妾俱天歿遂以無家徒恃遊而孺子雅聞諍對
盡自秘外若不激亢中實堅卒不肯趨迎人之意願
又無所挾以傾動當世以故游道不振而身益貧補
子爲兒時父不用經史課孺子獨以杜詩一編授之孺
子遂工詩至是以貧益王而游益不振所至宰寓蕭寺
中不樂止富貴家卽終日不再炊累歲不更製意靡懈
也善圖尤工雜鶯性最巧所規制必精絕一瓢飯爲志
携過荆溪爲盜所擊破携李人猶寶售之太倉王元美
爲作破瓢道人歌一離奇曲拾燒餘枯槎爲之懸明

君房爲之銘。一曲几萬歲。騰爲之前。勝榻上可憑而寤焉。它物不可名舉。孺子嘗自稱古公。輸箬何以過我。及卒。諸奇物俱散失。獨遺稿若干首。海鹽錢懋毅刻而存之。而甬東沈嘉則爲之序。略曰。少君詩。吐自胸臆。讀皆實際。景必心會。而情與事偕。然後韻而成之。不虛設。無轅泊。蓋深得杜少陵之幽峭。而口吻略無所侵。故言離。辛酸。色不枯槁。意則悲涼。氣不萎蕩。每讀之。如置身獲。覆脩耳。清籟小。雨入林。孤雲度嶂。使疲者忘倦。勞者息。肩。雖飄寄僧寮手。而風形貴介。視世之游者。借交粥。使。

不同日語矣海內知吳少君者率以嘉賂之言爲不所好云

兩浙名賢錄卷之四十七終